

خانة الذكريات

و كتبت اسمي
 في خانة الذكريات
 كان عمر عدى
 مفضلش منه إلا فتات
 قول كانت أميرة
 ساكنة المدينة
 و انا كنت قبطان بمركب
 على بيتها فات
 شربت من ايدها كثير حاجات
 خلتنى أحب أعيش وياها
 بكرة و قبله
 عمري إلي فات
 لكن انا قبطان بمركب
 لا لي مرسى
 و لا أي شاطئ

ينفع اسكنه وياها
و فى غفلة منها
سحبت من تحت
رجليها البساط
منا أصلي قبطان
و بحار بعرف
أغزل الكلام
لكني في الفعل
بتحول سراب شتات
قول كانت شراعي
و مركبي رسيت عليها
و لما قويت انا
حببت أسيب ايديها
و سبتها تبكي
على إلي فات
مهو أصلهم كانوا

شويه حاجات
و يدوب حبة ذكريات
عادي نحطهم سوى
في خانة الذكريات
يكفيني ذكرى
عشتها أيام رضاك